

KUMPUNAN
KHAUWTLANG NUN
SIAMTHAT

YMA AW



Branch YMA Executive Meeting neih a ni.

Chanmari West, May 1: Ni 26.4.2011 (Thawhlejni) zan khan Chanmari west Branch YMA Executive meeting chu President, Pu T.Ngurkhuma kaihhraina in Pu Lalthanruma, Neuva Section In ah neih niin he meeting ah hian Zawlbuk sak mek leh CWBYMA Hruaitu Intuaitarna thupui thlirho na neih a ni.

Meeting ah hian kan Branch YMA in YMA Zawlbuk kan sak mek chu hun engemaw chen chhunzawm tawh loh a nih avangin, chhunzawm leh nise tih rel a ni a. A tul ang leh buaipui ngaite lo buaipui a hma la turin Branch Office Bearer te kaihhraina in 'Working Committee' din a rel a ni. Tin, tun dinhmun ah hian Zawlbuk sakna atana pawisa leh hmanrua kan neih dan chu hetiang hian report ngaihtlak a ni bawk. 1) Sum : ` 6,73,767/- 2) rod : 181 Quintals.

Ni 24.3.2011 zana Hruaitute Intuaitarna Progamme hun kan hman tak thupui hrang hrang sawihona kan neih tawh chu thlirho leh a ni a, tuna kan kalphung baka hma kan sawn theihna a nih beisei in hetiang hian chhiatni bik a tan kal tum nise tih a ni.

1. Lumen Chungchang :

a) Lumen ngaiha Section hruaitu ten mahni Section kan ngaih pawimawh angin, section dang pawh ngaih pawimawh nise.

b) Branch hruaitu te lumen ngai an awmin tan la leh zual se, a theih chin chinah hruaitu (Chairman) insiam thin nise.

c) Darkar 3(thum) dan velah thingpui sem nise.

d) Boruak awmdan a zirin hruaituin hun hman thin nise.

2. Thlanlaih chungchang :

a) Lumen ngai a awma kan tlaivar lo a nih chuan thlanlaih ah tal tan lak nise.

b) Thlan kan laih in hruaitu ten awmze nei deuh a kaihhrui thin nise.

c) Thlanlaih hi a hma thei ang bera tan thin nise.

d) Thlanlai tur hian hruaitu ten memberte sawm thin nise.

3. Khawhar lenpui chungchang :

a) Khawhar lenpui-ah tanna hun hmang thei turin hruaitu ten tan lak nise.

b) Inchhungah hruaitute thut luh hram nise.

c) hruaitute tan hun hma a thlen tum thin nise.

4. Khawhar In riah chungchang :

a) Hruaitu, khawhar In riak rual chu khawhar in riah hram nise. Riah dawn chuan a hma lam a in put luh thin nise.

b) In riak tur chu zan dar 10:00 hma a in put luh nise, zan dangah pawh chutiang bawkin.


c) Zu leh ruihtheih thildang rui chung chuan khawhar In riah loh nise.


CENTRAL YMA THUCHHUAK


Search & Rescue Team : Ni 19.4.2011-a CEC Meeting chuan Chhiattawk rikrum thila awlsam taka tanpuina hna thawh zung zung a nih theih nan Aizawl khawpuichhung atan Search & Rescue Team din turin ruahman na a siam a. He Team a mi tur hian Aizawl khawpui chhunga YMA Branch tin atangin mi pahnih(2) Volunteer in ruat tura hriattirna chhuah a ni. heng ruat chhuah te hi Ni 15.5.2011 ral hmain Central YMA Office-ah hming leh Contact No. thehluh vek tur a ni.


Media Workshop : Media Workshop Branch YMA Chanchinbu enkawltu te tan Ni 19.5.2011 (Ningani) Dar 10:00 hian I&PR Auditorium-ah buatsaih a ni leh dawn a. He hunah hian Editor emaw aiawh mi pakhat (1) kal tur a ni.

Branch News

 Central YMA-a kan Branch annual fee ` 100/- leh Budget ` 6900/- chu pek fek tawh a ni.

 Ni 24.4.2011 (Pathianni) a Hunthar Veng-a In kang tanpui nan ` 500/- Hunthar Branch YMA kutah hlan a ni.

 Ni 26.4.2011 (Thawhlejni) a Disaster Reduction Workshop neihah kan Branch atangin Pu Vanlalvuana a tel a ni.

 Vanapa Section Fin. Secy. NI. Lalrotluangi'n pasal a neih avangin a aiawh atan Pu P.C. Lalawmawia chu ruat a ni.

PEMLUT

Heng mite hi Vengdang atangin kan vengah an rawn pem lut a, mitha tak an nih ngei kan beisei.

1. Pu C.Lalrosanga te chung, PTC Lungverh atanga rawn pem, Pu G.Zama in luah 'N' Section.

2. Pu Lalthakima te chung, Zotlang atanga rawn pem, Pu Laldinthara in luah 'CH' Section

3. Pi Lalramzauvi Khiangte te chung, Madanriting (Shillong) atanga rawn pem, Pi Lianhipi in luah 'CH' Section

SILPOULIN

Section tin te Silpoulin Vanapa Section Leader Pu V.L.Thakima In ah aranglama lam tura hriattir kan ni e.



TUN KAR CHANGVAWN

Chuvangin Unaute u, bat kan nei; tisa dana awm turin tisa lakah erawh chuan a ni lo. Tisa dana in awm chuan in thi ngei tur a ni; amaherawhchu taksa thiltihte Thlarauva in tihlum thin chuan in nung ang. Pathian Thlarau hruaia awm apiangte chu Pathian fate an ni si a. Rom 8:12-14

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta

9862366308

Tv. Vanlalfawna

9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production

Manager

R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawl na kha hlen rawh. II Tim 4:5

Editorial : Kan veng hian kawng hrang hrang-ah hmasawna kan rap chho nasa ve ta hle mai a. Tun hma a kan la tawn ngai loh leh kan la neih ngai loh nasa tak kan vengchhungah hian kawng hrang hrang ah hmuh leh hriat tur a awm te teuh ta mai. Amaherawhchu veng mipui te hian kawng engkimah tanlak kan ngai ve tho niin a lang. Vengdang in a an neih ve loh kan YMA hruiute leh mi tlawmngaita zarah 'PARK' tha tak mai leh thawveng tak kan nei te hi thil lawmawm leh rahbi thar pawimawh tak a ni. He kan Park tha leh rem tak mai hi a ti bawlhhlawh tu leh ti tawp tu ni mai lo hian a veng neitu te lek phei hi chuan kan enkawl a ngai takzet a ni. A bul hnaia awm School naupang te leh naupang dang te tan phei chuan han chawlh nan a remchang viau lehngal a, marawhchu kan hmunhna leh thing phun te hi a enkawl chungchang ah kan la thiam tawk lo deuh niin a lang. Nu leh pa ten kan naupang te a theih chin chin ah fimkhur tak leh uluk taka enkawl thiam tura kan zirtir a pawimawh takzet a ni. Uluk tak leh dimdawih taka kan enkawl chuan nakin zela kan tu leh fa te ta tur leh tuallenna tur a ni tih i hre thar leh theuh ang u.

KANGHMUN OPERATION 1967 (Chhunzawmna)

Article :

- F.Lala

'Z' Batallion Camp ah hian India sipai 200 vel zet an kal a. Nimahsela, India sipai Kanghmun-ah an lut tih Mizo sipaite hian an hria a, in saseng turin an in buatsaih ve ngal a. An kal kian hmaa an nanchin loh nan uluk takin duty pawh an in dah a ni. Mizo Sipai kalchhuak chu an kal kian hma a lo veng turin Platoon khat an Camp-ah chuan position lain an bawh thuap mai bawh a. Mizo sipai awmna 'BAWNGTHLUK RAM' hi mualdung tha tak hmun zawl tak, awih tlan laia awm a ni a. Bawng thlukvum a an avangin Bawngthluk ram tih an vuah a ni an ti. Chumi chung zawlah chuan 'Z' Batalliuon chuan Krismas chu an hmang a ni.

Silai a puak leh ta le !!!!

Keini thiandun chu khuaah chuan lut ngam lovin kan hel a, chulram-ah eitur a awm ringin kan pan ta zawk a. Nimahsela, India sipaiten Buh In (Chhek In) an lo hal a, kan kal zel ngam ta lova. Zing dar 7 vel a ni ang, silai a puak ta zawt zawt mai a. India Sipaita chuan AW an chhuah a, 'charge' an ti a. Nimahsela, silai ri chu a reh leh ta mai a. Hetih lai hian keini thiandun chu a piah mualah chuan kan awm a, inep tak in kan thuchawl a nih chu.

Silai puah atanga reilote minute 20 emw velah a runpui chu a thleng ta. Silai ri hmasa kha Mizo Army duty ten India sipai advance an lo kap a lo ni a, a chalah an verh siah mai a lo ni awm e. Chuta tanga rei vak lovah chuan Mizo Army platoon khat te chu uluk tain an lo inring a, LMG pu chuan 'kan chawhmeh dahna a rawn thlen chuan FIRING ORDER ka pe ang' tiin a lo tin reng a. Chutah le .!! chawhmeh dahna chu an rawn thleng ta a, LMG chuan a han BRUSH ta a, silai dang a ri zui ngal bawh. An mahni sawi danin India sipaite chuan awmze neilovin a khamphai zawngin Position an la nawk nawk mai a ni an ti.

Inkahna chu a nasa hle mai a, India sipaite chuan aw rawl chhuahin CHARGE an ti chuai rawih rawih mai a. Midang an rawn che thar leh zel a. Chutiang bawh chuan an rawh charge chuai leh rawih rawih mai zel a. An piah mualah chuan kan awm reng mai a. BOMB te an kapchhuak zuai zuai a. Chung BOMB Mortor te chu thingzarah te a puak dum dum mai a. GF Rifle-te an chiau ngawlh ngawlh a, a tawpah a ri leh dum thin. Mortor te lah an bu ruah ruah a, an puak leh dum dum mai thin a. Hemi tum hian Mizo Army chu pakhatmah hliam leh thi an awm lo. Kan ADC Pu Nghawra erawhchu Bomb siperin a per a, a thi nasa hle, mahse a mu chu a la thla thei mai a.

Mizo Army-te chu rei tak tang lovin an thiante awmna lamah an tawlh liam ve ta a. Silai ri pawh a reh ve ta a, chuta tanga reilo te ahn chuan Helicopter a rawn thlawk a, an inkahna chungah chuan a dir chur chur mai a. Mihring hi a khai chho nul nul mai thin a. Ahnu lamah an sawi dan chuan, HLIAM an la an ti. Hemi tum hian India sipaite chu an thi tam viau niin an sawi.

Mizo Army chungchang han sawi ve leh ila, an kalna tur zawng zawng an dang ping vek a, kalna tur kawng a awmlo an ti hial a ni. Nimahsela inkahna awm tawh lovin him takin an put chhuak zo thei ta a. India sipaite chuan Mizo Army ho hi an thlawk thei a ni ang.!! an ti hial e an tih chu.!! Rampalailengah an kal a, Kanghmun khawdai ah Damdawiin bul Aizawl lam atanga kala luh dawn (hetih hunlai a mi) Damdawiin lan theihna kawn raiah an kal liam a. UINAK lui dungah kalin, ARTE ram lamah an kal chhuak ta a ni. Mi thenkhat sawi dan chuan, Mizo Army-te hi India sipaite hian an hmu a, mahse inkahna ah an thih hmem em avangin an kap ngam lova, an haider a ni an ti bawh.

Awle sawi tur a tam a, sawisen a ni lovang. Keimahni lam chanchinte chu sawi tawh lo ila. Hemi avanga midangte chanchin pawh sawi tawh lo mai ila. Tuna ka han sawilan atang mai pawh hian Mizo Nula leh Tlangvalte hian hnam boral kan hlauh a vanga kan ram leh hnam kan lo humhalh dan tlem tal kan lo hriat beisein ka han tarlang a ni e.

(Article ngaihnaawm leh bengvarthlak tak mai Pu F.Lala hnen atanga kan dawng hi Ed.Board te kan lawm takzet e. Vengchungin thu leh hla lama tuimi tam tak kan neih te kan la inthup tlat mai hi chu kan ngai tawh khawp mai che u. In tan kan inhawng reng e.)

NEUVA

Gas Card siam thar tura hmalak mek a ni a, Biakkungi Gas Consumer Card nei ten Local Council Vice Chairman Pu H.Laltanpuia hnenah in report vek tur a ni.

An hruaitu Pu Henry Lalremruatpuia zin pawh dam takin a lo haw leh ta.

Section bungraw hawhtu reng rengin felfai taka dah leh thin turin an in hriattir.

Kumin a Section Project a hnuiaa tarlante hi mimal leh chhungkua a duh apiangten tum (Donate) theih reng a ni e.

- (1) Carpet (2) Sound Box
(3) Amplifier Box (4) Gas Stove
(5) Steel Almirah (6) Plastic Chair

CHAWNGBAWLA

Nl. C. Zonunmawii D/o C. Sangpuia chuan B.Ed tha takin a pass a, an lawmpui hle.

Pi Lalsangpuii W/o Pu Lalnunthara Sailo damlohna avangin Thawhtan hian Kolkata-ah inentir turin an kal dawn a, dam taka an lo haw leh theih nan duhsakna an hlan.

Ni 30.4.2011 (Inrinni) nileng khan Thutthleng rawng hnawih leh faina hnatlang an nei.

VANAPA

Ni 23.4.2011 (Inrinni) khan YMA Buk zauh hnatlang an nei a, member 60 chuang an thawkchhuak. Branch Asst. Secy bakah Senior Mistiri Pu R. Lalthlamuana'n an telpui avang leh Branch Committee-in a bang tur Rangva hlui a pek avangin an lawm hle.

Section huam chhunga HSSLC pass te:- C.Laltlanthanga S/o C.Lalnunmawia 3rd, H.Lalrinthanga S/o Lalsawia Hmar 3rd, Vanlalfaki D/o Lalnunmawia 3rd. Pu Runa mual vek an ni. Lalthlamuana S/o H.Lalremsanga 2nd

An Section Fin. Secy Nl. Lalrotluangi'n section dangah pasal a neih tak avangin a aiawh turin section Committee-in a dil angin Branch Committee chuan Section Fin. Secy thar atan Pu P.C.Lalawmawia a rawn ruat thar.

YMA AW leh Chhiatni Fund ti fel lo bial tlemte kan la awm a, ti fel thuai turin an inngen.

Nimin zing khan Section O>B leh Section Property In-charge ten Bungrua rem felin hnatlang an nei.

TAITESENA

Thu pawimawh tak tak ngaihtuah tur a awm avangin Vawiin Chawhma Inkhawm ban hian Leader te In ah hruaitu zawng zawngte kim tak a kalkhawm vek tur a ni. Kohna hranpa siam a nih loh avangin hei hi kohna a ngaih tur a ni e.

Ni 23.4.2011 (Inrinni) nileng khan hruaitute Kuang duanga hnatlang neih a ni a, he hnatlang ah hian hruaitu 27 atangin 10 hnatlang an awm a ni.

Kar kalta khan YMA AW man ` 10560/- (Copy 132) Branch-ah chhun luh a ni.

KHUANGCHERA

Vawiin chawqhnun inkhawm ban hian Asst. Secy Pu Lalchhanhima inah O.B meeting pawimawh tak koh a ni.

An hruaitu Tv. Laltlankima'n Fire Department-ah hna tha tak a hmu chu an lawmpui hle a, hruaitute ha lo tat hriam tha tura a ngenna pawh an zawm tha hle.

Ni 3.5.2011 atanga tan tur ADVA Season Ending Tournament Chanmari West Indoor Stadium-a neih turah Thingpui dawr siama inhlawh tur a ni a, hruaitute hun awl lo insiam turin an inngen.

YMA AW man leh Chhiatni Fund khawn zawh thawkhat a ni tawh a chhungkaw sawm bawr vel la pe lo an awm a, a ranglama tlakfel hram tum a ni.

Kar kalta khan YMA AW man ` 13680/- (Copy 171) Branch-ah chhun luh a ni.

ZCC NEWS

Lam zir nana phal taka School kawt hmantirtu Chanmari West Middle School Headmaster leh Staff te chungah leh Indoor Stadium (TT Hall) hmantirtu Management Committee chungah lawmthu an sawi.

Ni 3.5.2011 (Thawhle) zan hian lam zir leh tur a ni a, memberte leh hruaitute zan dar 7:30-ah Middle School kawt kim taka kal vek turin an inngen.

lam zirna ah hian hnamlam lama tui mite kim taka kal theuh turin an inngen takzet.

Club Property phaltaka Library a dah tir tu CVTTP te chungah lawmthu an sawi.

LOCAL COUNCIL NEWS

Vengchhunga Bawlhhlawh te hi karkhatah vawi 3 paih a ni a, tunah hian LPK Tripper(407) hi vawi khat paihah ` 1900/- in thla 1 chhung hman a ni a, a bak zawng chu ` 1800/- a paihtir a ni. Pick Up hi vawi 1 paihah ` 1600/- a paihtir a ni a, karkhat chhungin vawi 3 ve ve paihtir an ni. Local Council Sitting chuan karkhat chhungin vawi 2 paihtir tawh tura ruahman a ni a, mahse bawlhhlawh kan paih sen loh avangin vawi 3 ve ve an tlan leh a ni.

Sanitation Deptt. atangin bawlhhlawh paihna turin thla khatah ` 4000/- hmuh a ni a, Local Council chuan hei aia felfai zawk a paih turin hmalak mek a ni.

Vawk Road ni thin tun a Ramlai nita pawh hi felfai zawk a paih tura hmalak mek a ni.

Tunah hian Bawlhhlawh paih term a tawp avangin Tender koh leh mek a ni a, a chhang duh te tan ziakin Local Council Chairman hnenah Pathianni (1.5.2011) ral hma ngeiin theh luh tur a ni e.

LAWMTHU SAWINA

Kan Dawr 'Frankie's Collection' Ni 24.4.2011 (Pathianni) a a kan chungchangah veng chhung mipui tam tak a bik takin YMA Member ten chhin him tuma hlauhawm tak karah kan buai ngai miah lova, min tanpui a seng hawi ngaite min seng hawi sak vek a vangin lawmthu nasa takin kan sawi a ni. Kan dawr hawng tura beitate zingah inhliamte an awm tih kan hria a, a paw kan ti hle mai. Kan tana in tha leh zung in sen zawng zawng hi kan hre reng a ni. Lawmthu kan sawina hi khawngaih taka min pawmsak turin kan ngen vek che u a ni. Lalpa'n malsawm che u rawh se.

"VAN ATANGIN LALPAN LEI HI A EN RENG"

In tanpuina ropui tak dawngtu

K.Lalchamliaana te nupa
FRANKIE'S COLLECTION

MISTIRI ASSOCIATION
THUCHHUAK

Mizoram Mistiri Association (MMA) General Headquarters thuchhuak angin, Chanmari west Mistiri Association ni 28.4.2011 (Ningani) a Committee chuan, Mistiri hlawh hi ` 500/- ni tawh se a ti a, May thla atanga hman tan tur a rel a ni. Vengchhung nu leh pa te ngaih pawimawh sak turin an ngen.

CWSC NEWS

Arunchal Pradesh-a North East Games vawi 25-na April 20-30 chhunga neih zawh tak ah Mizoram atangin infiammi leh hruaitu nen an vaiin 188 an kal a, Mizoram aiawh tur hian Chanmari West atangin Players 8 leh Official 2 an kal a ni. Heng mite hian kan veng atanga tel te leh an medal lak dan a ni :

Official :

- 1) Pi R.Lalbiakdiki d/o Upa Lalkunga (V-Sect.) - *Manager*.
- 2) Jonathan Lalsangliana s/o K.Lalchullova (N-Sect.) - *Coach*

Karate Players te :

- 1) Vanlalthanpuia Silver - 1, Broze - 1 s/o TC Lalremsiama
- 2) Vanlalnelawma Silver - 1 s/o TC Lalremsiama
- 3) Malsawmdawngzela Gold - 1. s/o TC Lalremsiama
- 4) Lallawmkimi Silver - 2 d/o H.Lalpianthanga
- 5) Lalthakimi Silver - 1 d/o H.Lalpianthanga

V-Section vek an ni. Karate hi Ni 28.4.2011 khan khel zovin a pumpuiah Runner Up Team an ni.

Heng bak ah hian **Athletics** ah Hmingthanmawia s/o Lalremruata 'N' , **Football Players** ah Lalnunzira s/o Darhnianga 'T' leh **Wushu** ah LR.Bawlliana s/o Rodawli 'V' te an tel baw a, an ni lam hi khaw danga kal an nih avangin result hriat a la ni ve lo a ni.

Chanmari West Sporting Club chuan kan veng ai awh a infiammi kal te leh Official-a kal te an chhuangin an hlawhtlin na ah an lawmpui takzet a ni.

**CHHIAT TAWH
CHUNGCHANG A
LAWMTHU SAWINA**

Kan Unau nu Biaknguri (Kum-47) in Presby. Hospital, Durtlang -a Ni 20.4.2011 a min boralsan chungchang ah Chanmari West veng mipui te leh YMA hruaitu leh membarten tlawmngaih chhuah a a ruang min buaipui sak leh kuang mawi tak min siam saka Khawzawl lama a ruang mawi tak a min thlahliam sak avangin lawmthu kan sawi takzet a ni. In mi khawngaihna hi keinin rul thei lo che mah ila Pathian in a let tam takin a rul ngei ang che u.

In khawngaihna dawngtu,
Zopari
Vanapa Section.

WORKSHOP ON DISASTER REDUCTION

Central Y.M.A kaltlanga District Disaster Management Authority, Aizawl District buatsaih "WORKSHOP ON DISASTER REDUCTION" Central Hall Venghluh-ah Ni 26.4.2011 (Thawhlelni) khan neih a ni a, Aizawl veng hrang hrang atangin Y.M.A. aiawh mi pakhat zel an tel a ni. He workshop ah hian Dr.H.T.Chhunga leh Pu. Lalliantluanga SP. Wireless MPRO ten hun hmangin Slide Projector hmangin kal khawmte zirtir na an pe a ni.

Chhiatrupna [Disaster] hi kan hnaivaiah engtik lai pawha thleng thei reng anih avangin engtinng kan hmachhawn ang, chia lova kan awm theih ang. Hliam tuar leh tanpui ngaite mumal leh awmze nei zawka tanpui turin engtinng kan tih ang tih zirtirna hun hman a ni. He Workshop neih ah hian kan veng atangin Pu Vanlalvuana, N-Section chu a va tel a ni.

**AIZAWL NORTH ACADEMY
EVENING CLASS
(MBSE Course)
ADMISSION OPEN**

Gov't Aizawl North College,
Chaltlang
Cl-X : Free Admission
(Regd.Fee Rs 100/-)
Last Result - 76% (Special)
Last date of Admission
: 15th May 2011
Cl-XI-XII (Arts & Science)
Arts : Eng, Mizo, Pol.Sc./ P.A,
Edn, Hist, Socio,Geo.
Science : English, Mizo, Phy,
Chem, Bio, Maths.
(Cl-XI & XII tan Scholarship dil theih
a ni)
Class Timing : 3:30 - 5:45PM.
Contact :
8014448821/9862355203
(2-2)

**i-One
Multi-Brand**

TV + USB support, LCD/LED + Tata Sky free, Washing Machine, Fridge, Inverter, Microwave Oven, Fire Extinguisher tha leh tlawm kan nei e. SCOOTY leh LCD 32" man theihna Coupon kan pe tel baw.

**i-One
Multi-Brand
Vaivakawn
Near : Zotlang peng
Ph:9862492830**

(4-2)

HETAH HIAN SMS LA

>>9774170328<<

Kan veng hian Football enkawltu tur a mamawh a ni. Tan man te pawh a awm deuh ang chu, kan veng thalai Football -a an tui zia hi enkawltu tur an mamawh a ni. Hruaitu te kha han tang teh u.

977458__91

Chawngbawla Section RTS Buildg, bula PHE tui connection nei te kha in connection line enfel deuh teh u. Tui sem apianga tui put leh pipe tui ek a tam tawh tlat. Tui in chan tam phah ang e.

961231__79

Sunday zan kalta a kan kohhran (Presby.) in inkhawmna a Pathian ram pe tam Top 10 a puanchhuah kha an va ti mak ve. competition an siam em ni ? Pek tam tur nei ve lo tan chuan a nuam lo duh khawp mai. Keini rethei te hian pek tam tur kan nei ve lo. Kan neih chhun chu phal takin kan pe ve tho.

986295__59

Inkhawm laia SA biakin bula bike ring tak taka rawn race ching te kha vawikhat mai a ni tawh lova Kohhran leh Pathian i zah lo hle a ni. I ching leh a nih chuan i hmabak a duhawm lo khawp ang. Chutiang bawkin Tingtang perh a love song ring tak taka sa thin te pawh khan lo hre rawh u.

977408__48

(SMS kan dawn te hi Ed. Bd
ngaihnan a ni vek kher lo)

IN LUAH TUR DUH

Chanmari West huam chhungah chhungkaw member 3 luah tur In ruak `2000/- aia to lo tur duh a ni a, a nei chuan ahnuai mi hnenah hian min hrilh theih chuan kan lawm hle ang.

Ph : 9862331608

**MORNING CLASSES
(MBSE COURSE)
CL- X, XI - XII (Arts)**

Aizawl west College chuan Gov't Aizawl West College, Dawrpui Vengthar-ah 2011 - 2012 Session atan CL- X, XI - XII (Arts) admission a hawng mek :-

Class Timing :- 6:00 - 8:15 A.M.
Saturday Test :- 6:30 - 8:30 A.M.

Cl-X tan admission FREE a ni.
Registration Fee `100/- leh Cl-IX Testimonial ken a ngai. Cl-XI leh XII tan Scholarship a dil theih e.

Contact :

9862365768 / 9862336289
(2-2)